

MLADE EKIPA NA SCENI

Održani su izbori za Savjet MZ Grbavci kojima je prisustvovalo oko stotinjak mjestana, što je svakako za pohvalu i daje legitimitet izabranim kandidatima. Nakon predlaganja kandidata i obavljenog glasanja, odlučeno je da predsjednik Savjeta MZ Grbavci u narednom periodu bude Selver Dardagan sin Izeta. Njegov zamjenik je Muriz Sabic sin Ismeta, a članovi Savjeta su i Enes Cirak sin Mehe, Mirnes Cirak sin Mehmeda i Esad Avdic sin Muje. Gledalo se dakle da svi djelovi sela imaju svoje predstavnika, a prema pravilniku, naše selo može imati samo petočlani Savjet.

Mora se reći da su izbori protekli u demokratskoj atmosferi bez velikih tenzija. Tu treba odati priznanje dosadašnjem predsjedniku Vehidu Kadricu Kebi koji je korektno vodio sastanak i omogućio da sve protekne u najboljem redu.

Dakle, izabrana je potpuno nova garnitura ljudi, mlada ekipa u kojoj je najstariji Muriz Sabic sa 36 godina. Izbore je propratila i verificovala ekipa iz Opštine Zvornik i Opštinske izborne komisije.

Pred izabranima je puno posla u vremenu kada se smanjuje pomoć sa strane, a problema ima još puno. Jedini njihov nedostatak mogao bi biti manjak političkog iskustva, ali svi smo vjerujemo na raspolaganju, uključujući i Kebu, da im pomognemo za dobrobit našeg mjesta.

O izborima ćemo i u narednom periodu, ovo su prve informacije.